



Bineix cibnyied cibroek hauh,
Cungguek yiednauh mbwn rongh ’ angj;
Veijda Cungguek Gungcanjdangj,
Youh miz saeh angq youq gwnzbiengz.

Gimcik seizciet va hai hoengh,
Saenzcou doenghdoengh vunz sim hai;
Angqhoh Dangj Raeuz Ngeihcib Daih,
Guengjsae fwenhaij langh fufab.

Dangj Ngeihcib Daih youq Ging hai,
Siusik ndeilai cienz roengzdaeu;
Youq naj densi raeuz caez gaeuj(yawj),
Eu fwen hwnjdaeu; caen angqyangz.

Baekging Yinzminz Daveidangz,
Daibyauj hwnjcangz(ciangz) angqvauvau;
Dangj cungsuahgi guh baugau,
Vahgawq dijbauj lumj gim rongh.

Baugau coenzcoenz raeuj haeuj sim,
Daibyauj yied dingq yied najhai;
Bouxboux ndaej daengz gujvuj lai,
Bek fwngz yiengj hai lumj byaj raez.

Gyoengqraeuz doxcomz yawj cizbo,
Yied yawj simhoz cix yied maij;
Raeuz miz saenqsim riengz dangj byaij,
Mbanjcuengh fwenhaij goksasa.

Youh byaij lohmoq bae mbouj dingz,
Dangj vih bouxminz caux fuk lai;
Haenqrengz gvancez Ngeihcib Daih,
Seiqfueng betbaih loh ronghsag.

Cunghyangh ciuhai Ngeihcib Daih,
Yaeng saeh seiqbaih hwng biengz raeuz;
Lumj ci haeuj camh bae gya youz,
Youz cuk gyoengqraeuz youh hwnjdin.

Mbawgeiz daegsaek yaengx hwnj sang,
Daihhoih dingh gang dingh cawjdaez;
Youq seizdaih moq raeuz doengzcaez,
Haenqrengz doxbae hai buenz moq.

Loh cingq cauxmoq cij guh baenz,
Laebdangj cingsaenz ndaej hungzyangz;
Genhciz gagsaenq caeuq gaggiengz(ak),
Lajmbwn gwnzbiengz ok yienghmoq.

Cunghvaz Minzczuz geij cien bi,
Ngoenzneix lizsij youh hai moq;
Sawjmingh gvanghyungz youh hoengzoq(hungmbwk),
Rap naek byaij loh bongh baenaj.

Mbouj lumz simnduj caeuq sawjmingh,
Roengzrengz sim dingh bae cengqaeu;
Giemhaw onjsim guh fwndou,
“Sam aen dingh aeu” mbouj ndaej lumz.

Aen Seizdaih Moq Daih Bengwz 新时代的大变革

Dauqngeix haj bi yawj cib bi,
Fwnrumz fozviz(ci haenq) ciencien fanh;
Mienhdoi qihyi caeuq diuhcan,
Naengh ruz onjdanqg youq gwnzhaij.

Haj bi doxdaeuj mbouj bingzciengz,
Lajmbwn gwnzbiengz saehhung lai;

Dangj daeuj lingjdauj dawz loh hai,
Youq gwnz seiggyaiq miz najmienh.

Gwnzhaij hai ruz Dangj dawz dox,
Hengzguh canloz ndaej hwnjmbaek;
Giendingh Cungguek loh daegsaek,
Ngiengx gyaeuj enj aek bae mbouj dingz.

Laebguek onjdingh guh saeh haenq,
Cienzmienh doicaenh fap ceih guek;
Gwnzbiengz gizgiz ndaej onjduep(dup),
Guekgya onjdingh minz angqyangz.

Genhciz bouxminz guh cungsim,
Daengx guek bouxminz ndaej minzczuj;
Dangj vih bouxminz maeuz hingfuz,
Gaij ndei guh ndei gwndaen; moq.

Sengmingh ceiq sang minz ceiq sang,
Gangqhoenx sinhgvanh yw bingh sieng;
Doenghdaih cing lingz souj daejsienq,
Vunzlai caep ciengz fanh leix raez.

Dauqngeix haj bi caen mbouj sung(soeng),
Cingcinj duetgungz gunggenq hoj;
Cungguek daegsaek seizdaih moq,
Siujgangh swnghhoz haeuj daengz ranz.

Gaijgwz hailangh raen cingzyauq,
Giekdae; hunglaux(hung) youh onjmaenh;
Baenzgoeng gingniemh vunz caez haenh,
Youq mwh ceiq haenq ok fap moq.

Swnjciep fwndou dwg sawjmingh,
Gij vah dangj dingh bouxboux maij;
Yaengx sang mbawgeiz riengz dangj byaij,
Yaek guh seizdaih bouxgyaepmoengh.

Swnjciep fwndou dwg haenqdingj,
Lumj vaiz buekmingh dawz ek rag;
Guh saeh cauxnieb dang bouxak,
Hojnanh hix cak(cengq) bae guh caez.

Ciepswnj fwndou dwg genhciz,
Couh lumj raemx rih(roh) conq ndaek rin;
Couhcinj saetbaih mbouj gamsim,
Daisanh ap dingj mbouj fug saw.

Ciepswnj fwndou dwg guhhawj,
Bae daengz gizlawz hix hai sim;
Seizseiz guh saeh vih beksingq,
Hawj biengz riuzmingz cienfanh daih.

Gohyo; vanzcingj daeuj naemjngeix,
“Haj vih it daej” cungj bugiz;
“Seiq aen cienzmienh” daeuj dingh dij(daej),
Fukhwng miz ngoenz baenz yienhsaed.

Gvancez hwngfat leixniemh moq,
Gwih max hwnj loh buekrikrik;
Canjeiz mauhgvaq bakfanh ik,
Bouxlaeng nyengh dik hwnjbae gonq.

Caux ruz daiq vunz mbin hwnj mbwn,
Youq gwnz ronghndwen ra duzbyaj;
Sae dienh doeng soengq lienz dienyah,
Diuzgiuz cix gyaq namzbaek caez.

Cinwngz dingh vih hoemq bae rim,
Bwzdouj veisingh daeuj daujhangz;

Sinhben gisuz duzbo gvangq,
Fuengzbingh yimyauz daeuj ciepcungj.

Cungguek daegsaek dingh diuh bengz,
Cungqvunz miz rengz yiengq naj bae;
Guekgya di;hi guh ndei caez,
Naengzlig ceihleix daih daezsang.

“It rangh it loh” geiz mbin;fo,
Gozci hozcoz bingzdaiz hung;
Doengzcaez ndaej leih hwngfat mungj(hung),
Baengzyoux riunyumj guh seng ’ eiq.

Sevei bauj;ang di;hi lengj,
Bouxlaux ndaej ciengx miz ranz youq;
Ngoenzngoenz vanzlij miz souhaeuj,
Gwn noh gwn laeuj riu cwxcaih.

Raemxloeg bya heu dwg gimngaenz,
Swnghdai leixniemh haeuj sim dawz;
Hidungj gunghcwngz daeuj ceiqcawq,
Raemx engq saw le mbwn engq lamz.

Caihaih hungloet miz yi ’ an,
Gvancez guekgya ancienz ndei;
Sauq laep sauq yak guh hwnjbae
Cungguek biengz ndei youh bingzonj.

Majlez Cuji Cunghgozva 马列主义中国化

Daegsaek sw;hsiengj ceiq habhoz,
Dacwng fanghloz daeuj haenqca(cagaenj);
Majlez Cuji Cunghgozva,
Onjbiengz ceih gya goekgaen maenh.

Majlez Cuji Cunghgozva,
Ra cinj guekcingz caiq hwnjdin;
Gaengguh haengguh bak bi rim,
Faex bungz seizcin va hai lengj.

Cungguek daegsaek sw;hsiengj hung,
Haedsim neiyungz lumj feiz oq;
“Cib aen genhciz” lumj bauj moq,
“Cib aen mingzgoz” ronghsagsag.

Lijlun damqra caeuq cauxmoq,
Hai gvangq daihloh bae hwnjdin;
Veizvuz cuji daeuj benqcingq,
Dwg luengz(doengz) dwg gim baengh sizcenj

Sizcenj ciengxlwenx mbouj dingz din,
Genhciz soujcingq daeuj cauxmoq;
Daujyang vwndiz lumj dawz dox,
Bouxminz habhoz goekgaen maenh.

Bouxminz ceiq sang yaek genhciz,
Duzbya mbouj liz raemx ndaw dingh(daemz);
Dangj caeuq Bouxminz gungh minghyinh,
Mbouj hawj heuj vingq hangz youh vauq.

Bouxminz nyienhmuengh ciengzseiz gangj,
Bouxminz lizcangz yaek genhciz;
Bouxminz dajcaux aeueiq ndi(nde),
Bouxminz civei(coengmingz) dwg doenghlig.

Cidu gagsaenq sim vunz maenh,
Lijlun gagsaenq cingsaenz sangj;
Vwnzva gagsaenq ok hanzyangj,
Lohgvangq(diuzloh) gagsaenq bongh baenaj.